

平原縣志

縣長韓銳

署簽

壹

殿志 562

也 124-15

到 140-171

341-1

3124

平原縣舊志序

夫郡邑之有志也非徒存故實昭因革所以考得失而懲勸戒也要其體固貴簡潔而病冗雜然事不覈則無以鑒往辭不贍則無以俟後必讀之使人躍然如生長其地諳歷其狀興河山之感抒厝注之猷斯志之善者也吾邑東省壯鉅入我國家雖列畿外隱然同左輔焉顧舊乘叢蕪漫漶時異勢殊並殘闕者失之俾產茲者貽文獻之羞泣茲者切杞宋之歎非所以重土風而勗吏理也賢令劉侯銳意蒐輯以長垣令高君所爲志屬予序之高君宏才博學歷稽羣籍蓋本先達抑齋翁所著而潤色損益之其事覈其辭贍良哉志可謂心苦而功倍者矣予嘗驗天下事物即微細者

平原縣志

舊序

一

平原大同印刷局印

亦有定數不能強也吾邑昉於爽鳩之墟幾與海岱相終始乃往牒已無所稽而聖朝統一函夏聲教先被齊魯嫻於文學又其天性迺寥寥迄今也匪抑齋翁剏之高君繼之劉侯維持而從臾之將遺所不知何人母亦有數也耶斯其澤當世世畏壘哉予不佞生於斯地旣不能譔記爲桑梓重而待罪垣鎮又無以宣上德意樹嘉績於鄰壤惟兢兢以古之淳挽今之漓庶幾聖天子節儉實惠不致壅閼則夙夜耿耿者也吾邑昔稱樸質今漸淪矣讀斯志者思至魯至道之訓不徒曰備掌故而已斯作者盛心哉萬歷庚寅秋七月賜進士出身中憲大夫奉敕巡撫保定等府提督紫荆等關都察院右僉都御史前大理寺少卿京畿道監察御史邑人

宋仕撰

述志

惟先王制國畫地分邑或沿或革推世道之次志建置建置必經邦土畫封畛疆域奠而勢守分矣疆域定於川澤扶輿孕靈物饒風燠民生蕃滋故列物產述風俗紀民賦焉測土度宜辨方興利而後民咸乂能乂民而後能享神故次之以祠祀神人諧而上下和然後民心孚治而禮義可措故次之以學校三者皆擾民而治之之具也事有參差不可以類存之足備搜考雜志不敢不志也吾原素稱文獻而人文與時宣昭學術事功風標節誼揚其令芳各以類著人物不敢不詳也教養典於官師列其名而賢否之迹

平原縣志

舊序

一一

平原大同印刷局印

可考矣績效隆著曰惟循吏釋恩不忘焉乃列職官述名宦至於墳典道絕六經言微秦漢而下文辭燦如也然要以發洩治道之蘊故志藝文以敦其訓焉邑人進士歷知長垣縣事致仕高知止

後序

平原爲郡在昔一大都會與青州河朔懸衡等勝而至我朝寢廢寢降爲邑今所名爲陵縣是已乃我邑實故郡四封地歷世而往獨得仍舊號不湮滅更置云慕爾之士往僅獲列於附庸而今衣冠風政田園物產至比故郡聲光不翅雄埒則余不勝滄海桑田之感矣邑有志故廢再啓於張大中丞隨成於高明府而宋大中丞且不悵褒然爲序珠玉冠前三先生者所謂粉榆之祭酒文苑

之宗工也其於茲書如老宮監談天寶年間事言言中覈當實不虛以寄慨於杞宋之無徵功德金石與並矣咫尺之編識大舉細彰往古而揭來今其書類史隸厥幅員而非野其義比乘副載名山而非家無論於龍門蘭臺何若而以繫於當實不虛之指則有賢者莫爲加懸金不能讚矣余生關微駢譎不文幸分百里而叨一日士疇之上士遵禮訓而疇不窳媮區區不佞猥有所藉以稱官聯而無虞於獲上則平原也者其化人槐安之境矣乎屬在殺青以職事未宜三謝聊爲紀之卷尾如此任郵任德乎余不敢知矣時萬歷十有八年歲在庚寅秋八月吉文林郎知平原縣事孤竹劉思誠謹識

平原縣志

舊序

三

平原大同印刷局印

修志姓氏

邑人都御史張蕙

進士知縣高知止纂集

都御史宋仕

參政趙焯

御史霍從教

舉人張尊周訂正

署教諭王學夔

訓導王可嘉 任翀

廩庠胡來琛

孫應試 趙炘 張桂校閱

知縣劉思誠

縣丞施素貴

主簿李蕃

典史陳萬善刊行

重修平原縣志序

縣之有志也上因乎天下因乎地中因乎人而後之人復因乎前以爲伐柯之則雖時勢損益稍有不同要之時物之阜耗政教之得失民風士習之淳薄汙隆率因是考鏡以興滯而補弊焉昔程子以修志爲居官第一義後之居官者以程子爲師敢不奉以兢兢乎哉平原縣志爲前明萬歷十八年庚寅劉侯定宇所刊蓋邑人高長垣因抑齋中丞本而增損潤色之越今百六十載其間官茲土生茲土蜚聲挾藻於茲土者一切泯而無徵且以我

朝更化善俗之制聲明文物之隆百餘年來曠焉闕紀余視篆之初披閱縣志見其版策靡爛字畫刊缺往事不必盡賅而後起久平原縣志

序

一

平原大同印刷局印

莫爲繼卽不禁慨然長歎有志續貂比家君來署晨昏提命復唯是爲諄諄此徵啓所爲作也顧築室道謀難與慮始而余亦鹿簿領無暇以爲今春

聖天子繩武東巡來往皆經茲邑採風問俗曾無以備太史之陳心竊恐焉滋懼所幸

過化之餘訟庭頗暇又

恩免正賦無事催科苟不及時修舉則歲月逾邁事蹟就湮卽前之靡爛刊缺者亦歸於無何有後此君子其更何所因耶季父望濱先生公車旋軫爰相與遠搜近探討論而褒輯之邑人董子臯陳亦出所見聞用相裨贊凡條目五十有八攝其大綱釐爲十

卷不敢謂踵事增華亦庶以訂譌補漏乎雖然難言之矣舊志一因於張中丞再因於高長垣當時宮保宋公稱其心苦而功倍而劉侯猶不免文獻不足之慨况今者故老之傳聞已遠名山之著述無藏僅因百六十年前之靡爛剝缺者撫拾綴緝以學步邯鄲撫心自問能信爲一無譌漏哉自今以往更有如程子其人者因加增訂爲茲邑立不朽之功則茲志其嚆矢也夫

謹序

平原縣志

序

二

重修平原縣志凡例

計二十四則

一舊志刊於前明劉侯本邑先達張中丞高長垣所著也自萬歷庚寅之秋閱今一百五十九年脫落漫漶幾不可識因循已久訂輯殊難

一舊志自劉侯後二十年四明黃侯嘗卽其版而稍續之迨我朝康熙癸丑奉文重修時當事未遑也邑先達溫守趙公慨然增纂刊版存家今版已烏有僅購得其人物志二十餘頁文獻無徵良可浩歎

一發凡起例史事之權輿也舊志無之似不宜闕今以臆見增於卷首

平原縣志

凡例

一

平原大同印刷局印

一舊志分野區界城池三圖散附本條而縣治學宮無圖頗乖體要今並補繪列於卷首

一舊志先建置後疆域而山川風俗亦各爲一綱夫疆域因乎天地建置乃因乎人序不可舛今列疆域第一而山川風俗皆以目附邑故無山改山川爲川澤志實也復特增巡幸一條以紀異數

一舊志以城池市鎮郵舍隸疆域以古蹟坊表冢墓入雜志今並析爲建置之目

一舊志以戶口徵稅等爲政治志而別立物產志鹽法闕焉今統爲食貨志更增恩卹一條

一舊志戶口徵稅登載太略若丁徭之優免田賦之荒熟本折起存尤不一及後無從考今悉遵照現定賦役全書確數而詳書之以昭休養之仁以徵令甲之善

一祠祀學校皆依舊志綱目而以

國朝盛典增入但移學校於祠祀之前

一職官志舊列人物鄉賢之然後官師雖微一邑仰治人才興替有先責焉今竊取省志府志例先志職官非敢目亢正以示激厲爾

一前代職官姓名多佚舊志固自言之今徧爲搜羅共增入八十五人而得諸碑刻者十之七八焉昔人所以重金石之刻

平原縣志

凡例

二

平原大同印刷局印

也於其名下皆註明見某處以示傳信

一舊志所載名宦皆未入祠祀者似於名義未安今改標政蹟而本條別以現祀名宦者實之

一鄉賢乃爲人物即未祀鄉賢而德行政學可稱者亦人物也區區科目何足以當之故改舊人物志爲選舉而別以鄉賢諸目爲人物志

一舊志薦辟按載未備今悉查補唐宋金元科甲無考者則仍踵闕文之舊舊志例貢中已混入例監今改曰例敘載凡有職銜者併採諸碑刻姓名補之若農官爲

國家特典壽官掾職亦義不容泯也並以附焉

一鄉賢專載祠祀諸公仍名宦條例也他條彷彿舊志第移孝義於前而以獨行併入改政蹟爲循吏俾不混官師改貞烈爲烈女以並傳賢母若近時節婦多已奉旌表者餘亦採訪眞確方敢登載

一寺觀舊繫雜志外之也今仍之第以改列於人物志之後
一舊志災祥雜入兵事今分爲二目並附雜志而別增雜撫一條於末

一史志藝文例載書目茲邑先達著述世遠者旣難概見近代者亦恐失傳臚志其目以爲異日徵文之藉

一舊志藝文甚少四明黃侯所續率多八景倡和之詩失於掄擇版亦不全今稍從選汰而別採碑記詩文補之

一各條中凡昔有今無者仍依舊志具在但註明興廢概弗刪除即不敢掩前人之成迹且使後來者得以考也

一各條中舊志所採史乘事蹟不無挂漏今詳查二十二史諸書及省志府志增入其考据未審與芟削太過舛錯失次者亦悉查對原文訂正

一史傳例於人姓名下兼載其字非特敬名之義亦爲後人參考地也舊志一概不載將有別見其字而茫然不知爲誰者今於職官選舉各表姓名下悉繫以字無考者仍立有傳則見本傳表不重出

一俗吏見聞舛陋兼苦文獻無徵雖殫力蒐羅其如時違勢左
後之君子正譌補佚企予望之

一志成付梓工費頗艱賴紳士踴躍輸助仍斥廉俸益之始克
竣事謹貯版縣庫庶免散亡留意交盤尙希同志

知平原縣事溧陽黃懷祖謹識

平原縣志目錄

卷首 舊序

併修志
姓氏

凡例

目錄

圖考

卷之一

疆域志

凡七
條

星野

沿革

疆里

形勝

川澤

風俗

巡幸

卷之二

建置志

凡十
條

城池

公署

倉局

養濟院普濟
堂育嬰堂附

舖舍

汛防

市集

橋梁

古蹟

坊表

冢墓

漏澤
園附

卷之三

食貨志

凡八
條

平原縣志

卷首

目錄

一

平原大同印刷局印

里甲

戶口

田賦

稅課

驛站

鹽法

物產

恩卹

卷之四

學校志

凡六
條

學宮

禮器

樂器

書籍

學田

義學

書院社學
鄉約所附

卷之五

祠祀志

凡二
條

壇壝

祠廟

卷之六

職官志

凡四
條

封爵

官師

名宦

政蹟

卷之七

選舉志

凡七
條

薦辟

進士

舉人

貢生

例敘

農官壽官
掾職附

武科

武職附

封廕

卷之八

人物志

凡七條

鄉賢

孝義

循吏

文學

隱逸

方技

烈女

卷之九

雜志

凡四條

災祥

兵事

寺觀

雜撫

卷之十

藝文志

凡三條

書目

碑記

序賦
散附

詩歌

平原縣志

卷首

目錄

二

平原大同印刷局印

平原縣志圖考

古者左圖右史史須繙帙尋行而後得圖則一覽瞭然故星野之分疆里之限川澤之所經城池壇廟署廨倉局郵汎鎮集之所在時殊地異非圖莫顯也舊志分野區界城池三圖散見本條而分野脫北落師門星又不別圖縣治學宮則失之略府志繫平原嶺爵隄於縣境輿圖又失之外今略者補之外者削之今所有者具其形昔有今無者標其址凡爲圖五彙列簡端俾後有考焉


平原縣志

圖考

一

平原大同印刷局印

天文星野圖



縣陵至北

高村

古樓店

潘家庄

麻家庄

董家集

董家集鋪

董家集鋪即七里舖

冠家坊

石家窪

邑縣界五十里
北平原縣境全圖
馬樓路

水務店

楊柳寺

東至禹城縣界四十里

孫家寨

張公廟

張公廟

張公廟

崔家寨


蔡家寨

東南禹城縣界十四里

新章店

河王趙


唐高至南



造父




車府



杵



平原入危度
危星




虛梁



天鏡

北落師門

平原縣城內全圖



平原縣志

四

平原縣治圖


管糧丞廨址



明預備倉址



四面皆護城堤



桃園驛址

南察院今為養濟院

分司址

禮婦院址

縣治

縣治

縣治

縣治

縣治

縣治

縣治

縣治

縣治


縣治

縣治

常平倉



賓賓館



土地祠



縣治

平原縣學宮圖

